




湖山類稿

知不足齋開彫



湖山類彙敘




杭汪水雲以布衣攜琴渡易水上燕臺侍禁時爲
太皇王昭儀鼓琴奉卮酒又或至文丞相銀鐙所
爲之作拘幽以下十操文山亦倚歌而和之昔者
烏孫公主王昭君皆馬上自作曲鍾儀之繫南冠
而操土音自作樂使人聽樂孰樂或謂作者之悲
不如聽者之樂聽者之樂復不如旁觀者之悲也
汪氏之琴天其使之娛清夜釋羈旅耶何其客之
至此也琴本出于怨而怨者聽之亦樂謂其能雪
其心之所謂也當其奏時如出乎人間落乎天上

殆泊與淡相遭而卒歸於無有其亦有足樂耶歸
江南入名山著黃冠據槁梧以終又起而出乎江
湖邇者名人勝士以詩見其詩自奉使出疆三宮
去國凡都人憂悲恨嘆無不有及過河所歷皇王
帝伯之故都遺蹟凡可喜可詫可驚可痛哭而流
涕者皆收拾於詩解其囊南吟北嘯如賦史傳亦
自有可喜余蓋不忍觀之孰不游也以琴遇少琴
能詩又少余欲盡其卷計之而不勝其壹鬱也則
復使之進琴焉廬陵須溪劉辰翁會孟書

湖山類彙卷之一

水雲汪 元量 大有 行吟

須溪劉 辰翁 會孟 批點



湖山類稿卷一
目錄

地動兵前草木挾風寒計窮但覺歸降易事定方
知進退難獻宅乞爲祈請使酣歌食肉愧田單

和徐雪江卽事

萬里起青烟旌旗若湧泉國家開氣數陵谷見推
遷避難渾無地偷生賴有天夜來聞大母已自納
降箋

二月初八日左丞相吳堅右

樞密使謝堂參政密

卮江海蛟

母子悲

征詩

望海樓獨立

風吹腥氣滿樓臺獨倚闌干十二回天入越江龍
逝去雨昏吳市燕飛來旌旗閃閃千帆過簾幙重
重一笛哀惆悵玉環何處在海棠猶自向人開

援詩
引

吳山曉望

城南城北草芊芊滿地干戈已惘然燕燕鶯鶯隨
戰馬風風雨雨渡江船小儒愁劇吟如哭老子歌
闌醉欲眠一夜春寒花命薄亂飄紅紫下平川

同毛敏仲出湖上由萬松嶺過浙江亭

錢塘門外看新晴舞蝶游蜂沒一星風挾斷雲橫
北巘烟隨飛雨度南屏蘇隄柳樹照波綠吳苑麥
苗連地青邂逅尋詩過嶺去鼓鞞聲震浙江亭

客感和林石田

細柳和烟舞溼雲落花隨水送歸春門東
應噪江上白鷗誰肯馴朱子不仁唐逆賊
誑漢忠臣離亭一笛悲風急君賦秦州

感慈元殿事

翠華扶輦出彤庭蜜炬星繁天未明鵝鷺分行江

上別熊羆從駕雨中行綠波淼淼浮三殿紫禁沈沈斷六更惟有週遭山似洛不堪回首淚縱橫

據詩校

錢塘歌

此詩脫老杜顯慶年中越王作又超出

錢塘江上龍光死錢王宮闕今如此白髮宮娃作遠游漠漠平沙千萬里西北高樓白雲齊欲落未落日已低古人不見今人去江水東流烏夜啼

別楊駙馬

去去馬空冀北行行鶴度遼東彈鋏三千客裏囊錐十九人中杜子肯依嚴武孔融不下曹公南八男兒如此殺身方是英雄

清明

避難不知寒食和愁又過清明都下紛紛躍馬湖邊恰恰啼鶯

讀史

餓死首陽二子偷生商嶺四翁劉項稱王稱霸關張無命無功

廢宅

按詩闕引

王侯多第宅宅第草滿玉闌干縱有春光在人誰看牡

丹

越女

越女爲驅虜朝來攬鏡慵欲梳新墮馬忍

兵後登大內芙蓉閣宮人梳洗處

粲粲芙蓉閣我登雙眼明手拊沈香闌美人已東
征美人未去時朝理綠雲鬟暮吹紫鸞笙美人旣
去時閣下麋鹿走閣上鷓鴣鳴江山咫尺生烟霧
萬年枝上悲風生空有遺鈿碎珥堆玉案空有金
蓮寶炬錯落懸珠楹楊柳兮青青芙蓉兮冥冥美
人不見空淚零錦梁雙燕來又去夜夜蟾蜍窺玉
屏

據詩淵引校 萬里記

醉歌 此十歌真江南野史

呂將軍在守襄陽十載襄陽鐵脊梁望斷援兵無
信息聲聲罵殺賈平章

援兵不遣事堪哀食肉權臣大不才見說襄樊投
拜了千軍萬馬過江來

淮襄州郡盡歸降鞞鼓喧天入古杭國母已無心
聽政書生空有淚成行

六宮宮女淚漣漣事主誰知不盡年太后傳宣許
降國伯顏丞相到簾前 讀之墮淚

亂點連聲殺六更熒熒庭燎待天明侍臣已寫歸

降表臣妾僉名謝道清

忍見忍見

衣冠不改只如先關會通行滿市廛北客南人成
買賣京師依舊使銅錢

北師要討撒花銀官府行移逼市民丞相伯顏猶
有語學中要揀秀才人

湧金門外雨晴初多少紅船上下趨龍管鳳笙無
韻調卻搥戰鼓下西湖

南苑西宮棘露芽萬年枝上亂啼鴉北人環立闌
干曲手指紅梅作杏花

伯顏丞相呂將軍收了江南不殺人昨日太皇請

茶飯滿朝朱紫盡降臣

賈魏公府

葛嶺當年宰相家游人不敢此行過柳陰夾道鶯
成市花影壓闌蜂鬧衙六載襄陽圍已解三更魯
港事如何棟梁今日皆焦土新有園丁種火麻
重門猶釘舊桃牌惆悵行人去不回萬種好花環
曲徑一泓流水遶香階高臺已見胡羊走喬木惟
聞蜀鳥哀簷外竹梅森似束鄰翁時翦作燒柴
湖邊不見碾香車斷珥遺鈿滿路塗門逕風輕飛
野馬亭臺火盡及池魚海棠花下生青杞石竹叢

邊出紫蘇卻憶相公游賞日三千衛士立階除

杭州雜詩和林石田

此數詩老杜秦州詩

石田林處士吟境靜無塵亂後長如醉愁來不爲
貧飯蔬畱好客筆硯老斯人近法秦州體篇篇妙
入神

先生忘富貴久客幸平安髮已千莖白心猶一寸
丹衣冠前進士家世舊郎官醉入烏程里吟登李
杜壇

逃難藏深隱重逢出近詩乾坤一反掌今古兩愁
眉我作新亭泣君生舊國悲向來行樂地夜雨走

狐狸

蠋也吞聲哭潛行到水頭人誰包馬革子獨衣羊

裘北面生何益南冠死則休百年如過翼撫掌笑
孫劉

一春雲冪冪三月雨淋淋魚菜不歸市鶯花空滿
林人行官巷口軍簇御街心老子猖狂甚猶歌梁
甫吟

烽火來千里狼烟度六橋嶺寒蒼兕叫江曉白魚
跳壯士披金甲佳人弄玉簫偶餘尊酒在聊以永
今朝

有客腸回九無人髮握三關中新約法江左舊清
談鐵騎來天北樓船過海南一枝巢越鳥八繭熟
吳蠶

躡足封韓信剖心嗔比干河山千古淚風雨一番
寒世指鹿爲馬人呼鳥作鸞江頭潮洶洶城腳水
漫漫

吟身春共瘦獨立望江亭越水荒荒白吳山了了
青軍降欣解甲民喜罷抽丁拍碎闌干曲吞聲血
淚零

天也今如此人乎可奈何臺邊西子去宮裏北人

過玉樹歌方息金銅淚已多旌旗遮御路舟楫滿
官河

此夕知何夕游船雜戰船山河空百二宮闕謾三
千雨歇雲垂地潮平水接天惜哉無祖逖誰肯著
先鞭

陵廟成焦土宮牆沒野蒿亡秦皆趙李佐漢獨蕭
曹國子乘黃貴山人著白高飛埃猶黯黯逝水正
滔滔

靜看從衡士番成買賣兒禁中驚戰鼓城上出降
旗魏操非無漢唐淵不有隋從茲更革後寧復太

平期

偶出西湖上新蒲綠未齊攜來編縮項買得鱉團
臍問酒入新店喚船行舊隄亂離多殺戮水畔幾
人啼

天目絲絲雨江頭翦翦風鼓鞞千艇合刁斗萬家
同金馬憐焦土銅駝壓草叢杞天愁欲墮黑入太
陰中

日月往來轂乾坤生殺機江春蛟妾舞塞暖鴈奴
歸逆旅詩添債愁城酒破圍如何秦相國昨夜鳩
韓非

如此只如此無聊酒一樽江山猶昨日笳鼓又新
元黑潦迷行路黃埃入禁門高亭山頂上百萬漢
軍屯

世變長椎髻時更短後衣魏庭翁仲泣唐殿子孫
非樹禿鴉爭集梁空燕自歸斷橋春已暮無賴柳
花飛

春去雨方歇水流花自飛人生螻蟻夢世道犬羊
衣日月東西驛乾坤闔闢扉今無二子空有首
陽薇雜老杜詩中不辨

假途虞滅號嘗膽越吞吳黑白一棋局方圓八陣

圖是翁猶矍鑠諸老自挪揄喟嘆投麟筆悲歌擊唾壺

竟夕柴門掩無心接續紳山中多樂事世上少全人諸呂幾亡漢商翁不仕秦柴桑深僻處亦有晉遺民

天下愁無盡生前樂有涯文章一小技富貴總虛花塵入金張宅草生王謝家可憐三月火不見八姨車

休休休休休干戈盡白盡頭諸公雲北去萬事水東流春雨不知止晚山相對愁呼童攜斗酒我欲一

登樓

此三首以永樂大典卷八百九十八詩字均校

送琴師毛敏仲北行 三詩似山谷

西塞山前日落處北關門外雨來天南人墮淚北人笑臣甫低頭拜杜鵑

五里十里亭長短千帆萬帆船去來請君收淚向前去看幽州金築臺

蘇子瞻喫惠州飯黃魯直度鬼門關今日君行清淚落他年勛業勒燕山

吳兒

玉貌兒童淚盈把辮髮垂肩行酒筭將軍又去打

清客居士集琴瑟遺贈肯依然云往六
十年幾塘揚司農以雅琴名於時有琴
三轡毛敏仲嚴州徐天民在門下朝夕
為琴刪潤別為一譜以其所居曰紫霞
鳥

蘇州出門指使教牽馬

荅林石田

南朝千古傷心事每閱陳編淚滿襟我更傷心成
野史人看野史更傷心

浙江亭別客

諸公來此欲憑闌禿樹粘雲溼不乾小燕正嫌三
月雨老鶯又受一春寒樓頭呼酒盡情飲江上遇
花隨意看莫怨人生有離別人生到此別離難

江上

大學諸齋棟秀才出門何處是金臺棟花風緊子

規急楊柳烟昏黃鳥哀潮落潮生天外去人歌人
哭水邊來推篷坐對吳山月幾度關門擊柝回

曉行

此情何以堪

癡坐書窻待曉鐘背燈無語意無窮一家骨肉正
愁絕四海弟兄如夢同西舍東鄰今日別北魚南
鴈幾時通行行忍見御溝水流滿江花片紅

淚盡詩盡

湖山類稿卷之一終

湖山類稿卷之二

水雲汪 元量 大有 行吟

須溪劉 辰翁 會孟 批點

北征

北師有嚴程挽我投燕京挾此萬卷書明發萬里
行出門隔山嶽未知死與生三宮錦帆張粉陣吹
鸞笙遺氓拜路傍號哭皆失聲吳山何青青吳水
何泠泠山水豈有極天地終無情回首叫重華蒼
梧雲正橫

吳江

吳江潮水化蟲沙兩岸垂楊噪亂鴉舟子魚羹分
宰相路人麥飯進官家莫思後事悲前事且向天
涯到海涯回首尚憐西去路臨平山下有荷花

蘇臺

闔閭門外草如霜到此躊躇欲斷腸紅陣教成人
已去黃池會罷事堪傷將雛野鹿銜枯薺挾子宮
鳥噪夕陽越蠡扁舟漭無所五湖風浪白茫茫

虎丘

維舟與客訪興亡寺有殘僧說故王寶物已銷龍
虎氣奎章猶射斗牛光爲妖直女花藏墓說法生

公月滿堂邂逅一樽歸路遠樵歌牧笛送斜陽

惠山值雨

惠山寺裏北人過古柏莖莖伐盡柯三世佛身猶
破相一泓泉水亦生波山林雖樂元非樂塵世多
魔未是魔舉似于人何以故坐簷閑看雨霧霏

畫溪酒邊

夜來飲酒醉如何酒醒方知事轉多趙國未衰廉
藺在齊城將下酈韓過鵲飛月樹無依所龍入風
江謾作波忽有好詩來眼底畫溪榔板唱漁歌

常州

渡頭風起柳搖絲
丁卯橋邊屋已稀
河草青青淮馬健
江花冉冉海鷗肥
一樽酒對三人飲
八字帆分兩岸飛
天末有人難問訊
仲連東去不須歸

重游甘露寺

小畱甘露莫開船
我欲題詩寄佛軒
犬下脩廊迎宿客
僧歸曲巷背欂門
梅邊拂石安碁局
竹外鳴琴薦酒尊
卻憶市朝無事日
笙歌日日醉昏昏

多景樓

多景樓中晝掩扉
畫梁不敢住烏衣
禪房花木兵燒殺
佛寺干戈僧怕歸
山雨欲來淮樹立
潮風初

起海雲飛酒尊未盡
登舟急更過金焦看落暉

金山

楊柳隄邊看渡船
金山山上訪金仙
一江風起塵揚海
兩岸潮來浪拍天
龍化老人頻問法
狐爲少婦竊聽禪
此機何與書生事
且借方牀熟晝眠

焦山

焦山寺裏白雲堆
百尺危樓百尺臺
持咒聖僧漂海去
尋詩閑客渡江來
雷轟古樹蜈蚣出
日轉虛簷燕子回
桒上楞嚴都好
在昆明又見有新灰

京口野望

傍岸人家插酒旗受降城下客行稀南徐白晝虎
成陣北固黃昏鴉打圍亂後江山元歷歷愁邊楊
柳極依依櫂歌漁子無些事網得時魚換酒歸

揚子江

揚子津頭客子愁孤舟欲渡意綢繆蛟龍洶洶爭
新穴鷗鷺輕輕下故洲水捲岸沙連地去風掀江
浪接天流試披陸羽圖經看洗鼎煎茶更少畱

揚州

江都王氣逐浮漚舊說維揚第一州銀燭夜攢喧
鳳吹金鞍曉織衛龍舟綠蕪城上軍聲合紅藥階

前客淚收雲散月明天在水誤疑身世落瀛洲

淮安水驛

薄暮舟維楊柳隄手攀楊柳立多時漢兒快意歌
荷葉越女含愁舞柘枝月溼江花和露漙潮搖淮
樹帶風悲長亭一夜渾無寐與客傳盃更和詩

邳州

身如傳舍任西東夜榻荒郵四壁空鄉夢漸生燈
影外客愁多在雨聲中淮南火後居民少河北兵
前戰鼓雄萬里別離心正苦帛書何日寄歸鴻

徐州

白楊獵獵起悲風滿目黃埃漲太空野壁山牆彭
祖宅塵花糞草項王宮古今盡付三杯外豪傑同
歸一夢中更上層樓見城郭亂鴉古木夕陽紅

戲馬臺

臺空馬盡始知休枳棘叢邊鹿自游泗水不關興
廢事佛峯空鎖古今愁風吹野甸稻花晚雨暗山
城楓葉秋欲弔英靈何處在髑髏無數滿長洲

燕子樓

樓顛瓦解草如鬣燕子不來風獵獵倚筇搔首重
徘徊野花叢裏飛蝴蝶

呂梁

呂梁三十仞縣水莫知源雨歇山如沃波狂岸欲
翻黃雲撲古塞青草織平原最是關情處秋霜一
夜猿

歌風臺

百尺荒臺禾黍悲沈思往事似輪飛洛中車駕秦
皇去沛上風雲漢帝歸鷹入塞榆衝鴈陣鶻穿城
樹破鴉圍東徐多少英雄恨畱與行人歌是非

觀魚臺

高臺畱古跡不見隱公游白日悲風起清河逆水

流潛魚投別浦狡兔據荒丘應笑臧儂伯何如諫
得休

東平官舍

曉鞭驛馬入東州瘦骨稜嶒怯素秋天地不仁人
去國江山如待客登樓市沽魯酒難爲醉座咽胡
笳易得愁日暮憑闌窮目力一行征雁塞邊頭

通州道中

一片秋雲妬太虛窮荒漠漠走羣狐西瓜黃處藤
如織北棗紅時樹若屠雪塞搗砧人戍遠霜營吹
角客愁孤幾回兀坐穹廬下賴有葡萄酒熟初

幽州會同館

六花飛舞下天衢萬里羈人心正孤收拾碎甌裨
煖炕掘穿平地結寒爐行廚日給官中粟遞驛時
供塞上酥忽報傳宣雙勅使王門今欲試齊竽

黃金臺和吳實堂韻

把酒上金臺傷心淚落杯君臣難再得天地不重
來古木巢蒼鶻殘碑枕碧苔倚闌休北望萬里起
黃埃

幽州歌

漢兒辮髮籠羶笠日暮黃金臺上立臂鷹解帶忽

放飛一行塞鴈南征急

御宴蓬萊島

曉入重闈對冕旒內家開宴擁歌謳駝峯屢割分
金盃馬嬾時傾泛玉甌禁苑風生亭北角寢園日
轉殿西頭山前山後花如錦一朵紅雲侍輦游

幽州寒食游江鄉園

曉出城南信杖藜江鄉小圃百花開侑尊妓女騎
驢去頂笠僧官躍馬來幾架秋千紅嬾娜數行簫
管綠低徊隔河小艇人歌舞搖蕩春光不肯回

登薊門用家則堂韻

薊門高處小凝眸雨後林巒翠欲流車笠自來還
自去笳簫如怨復如愁珍珠絡臂誇燕舞紗帽蒙
頭笑楚囚忽憶舊家行樂地春風花柳十三樓

燕山送黃千戶之盱江

萬里關河道路迂出門一笑意何如來時雨雪侵
駝褐歸日風雲藹駟車玉座喜聞黃石策金臺榮
拜紫泥書野人無以效芹獻一斗酒邊雙鯉魚

盧奉御自上都回見訪

詩人騎馬接官回解后居庸懷抱開冷地不禁風
聒聒炎天長見雪堆堆昨宵我夢中南去今日君

從直北來說盡窮陰無限事呼童攜酒上金臺

筠溪王奉御寄詩次韻呈厓松盧奉御

新詩蒙遠寄客路不勝秋同谷歌臣甫新豐醉客
周君今嫌作吏我已厭封侯何日西湖曲紅船上
下游

幽州秋日聽王昭儀琴

瑤池宴罷夜何其拂拭朱絃落指遲彈到急時聲
不亂曲當終處意尤奇雪深沙磧玉嬌怨月滿關
山蔡琰悲羈客相看默無語一襟愁思自心知

薊北春望

江南二月蕨筍肥江北客行殊未歸怕上西樓洒
鄉淚東風吹雨溼征衣

燕歌行

此詩為范父席作元史世祖化至元十八
年所都洪都范父席李庭金方慶
諸軍船名曰奔為風濤所激夫失利
餘軍回至高麗境十存一二九月賜范
父席所部將士羊馬衣服帶帛有差
十月賜征日本將校衣裝帶帛靴帽
等物有差

北風刮地愁雲彤草木爛死黃塵蒙搗鞞伐鼓聲
鏦鏦金鞍鐵馬搖玲瓏將軍浩氣吞長虹幽并健
兒膽力雄戰車軋軋馳先鋒甲戈相撥聲摩空鴈
行魚貫彎角弓披霜踏雪度海東鬪血浸野吹腥
風捐軀報國効死忠鼓衰矢竭誰收功將軍卸甲
入九重錦袍宣賜金團龍天子錫宴葡萄宮烹龍
魚鸞割駝峯紫霞漱灑琉璃鍾天顏有喜春融融

乞與窈窕雙芙蓉虎符腰佩官益穹歸來賀客皆
王公戟門和氣春風中美人左右如花紅朝歌夜
舞何時窮豈知沙場雨溼悲風急冤魂戰鬼成行
泣

秋日酬王昭儀

愁到濃時酒自斟挑燈看劍淚痕深黃金臺隗少
知已碧玉調湘空好音萬葉秋風孤館夢一燈夜
雨故鄉心庭前昨夜梧桐語勁氣蕭蕭入短襟

平原郡公夜宴月下待瀛國公歸寓府

春事闌珊夢裏休他鄉相見淚空流柳搖楚館牽

新恨花落吳宮憶舊游渴想和羹梅已熟飢思進
飯麥初收瀛洲歸去琅玕長月朗風熏十二樓

燕山九日

九日淒涼戲馬臺龍山高會亦塵埃天翻地覆英
雄盡暑往寒來歲月催人隔關河歸未得客逢時
節轉堪哀十年舊夢風吹過忍對黃花把酒杯

幽州雪霽翰林諸公分韻得明字

寒雪初晴冷氣清地爐火活漸春生嬾騎
人戶滿酌肥羔朝帝京屋破玉川貧亦樂
塢貴何榮道心自得鍾儀趣一操南音

庚辰正月旦早朝呈留忠齋

至元十七年

庭燎明如晝金壺漏水平爐烟搖曉色欄

聲三祝聖人壽一忠臣子情新元奏封事

蒼生

妾薄命呈文山道人

妾初未嫁時晨夕深閨中年當十五餘顏色如花

紅千里遠結婚出門山重重與君盛容飾一笑開

芙蓉君不顧妾色劍氣干長虹耿耿丈夫

天下雄結髮未逾載倏然各西東妾獨

養姑與翁姑翁去年春長夢隨飄風思君

音信安可通諒無雙飛翼焉得長相從自服嫁時
衣荆釵淡為容誓以守貞潔與君生死同君當立
高節殺身以為忠豈無春秋筆為君紀其功

文山集杜句和韻云請陳初亂時哭廟灰燼中
落日照大旗雲漢為之紅本朝再樹立乘輿安
九重惜哉瑤池飲禱隱綉芙蓉翠華蒙塵飛影
若揚白虹丈夫誓許國人馬皆自雄南游炎海
甸編蓬石城東稍令社稷安萬里狎漁翁虜騎
速如鬼一灰悲風魂斷蒼梧帝淒涼信不通
壯士血相視征伐聽所從中夜問道歸咫尺或
未容豈知英雄士古來偏側同平生白羽扇蹉
跎効小忠再光中
典業何人第一功

幽州送景僧錄歸錢塘

天目山前景老禪長安傳法舊沙門十年不見身

爲累萬里相逢舌尚存
漠漠塵埃凝破衲
淒淒風露襲歸轅
到家定有秋光在
報荅黃花滿故園

冬至日同舍會拜

燕市人爭看秀才團
樂此日會金臺
葡萄酒熟澆駝髓
蘿蔔羹甜煮鹿胎
硯筆寂寥空洒淚
管絃嗚咽自生哀
雪寒門戶賓朋少
且撥紅爐守泰來

自笑

釋氏掀天官府道家
隨世功名俗子執鞭
亦貴書生無用分明

幹魯堞觀獵

黑風滿天紅日出
千里萬里棲寒烟
快鷹已落薊水畔
獵馬更在燕山前
白旄黃鉞左右繞
璫房殿帳東西
旋海青眇然從此去
天鵝正墜陰崖巔

幽州月夜酒邊賦西湖月

西湖月光皎潔曾照錢王九重闕
錢王歌舞戀春風
月亦有情光不歇
一朝歌舞成塵土
斷礎荒宮走狐兔
月亦傷心不肯明
人亦吞聲淚如雨
西湖月幾度圓幾度缺
人生南北岐路多
幾度相逢幾度別
去年月圓時我在西湖十里荷花香
月吞酒卮今年月缺時我在燕山萬里來
酒

招月來勸月酒一杯我酒飲盡

飲

胡爲乎來哉停杯問月月變色嫌

窄

人生如白駒之過隙若不痛飲真可惜

物

如流水何如月照金樽裏首陽二子忍

正

盜跖成螻蟻我有長鯨吸川口倒挽銀河添我酒
我酒千年飲不乾月光與我長相守酒酣拔劍斫
地歌錢王宮闕生白波西湖月光更多有酒不飲
將如之何

瀘溝橋王昭儀見寄回文次韻

溝水瀘邊落木疎舊家天遠寄來書秋風冷驛官

行未夜月虛牕客夢初流鴈斷鴻飛曠野舞鸞離
鶴別穹廬裘貂醉盡一樽酒愁散方知獨上車

幽州除夜

十年旅食在天涯到處身安只是家雪塞春回鄒
衍律霜營寒入襦衡搥壺傾卯酒杯浮粟廚出辛
盤飢蒺藜花奴僕不須喧鼓吹恐驚櫜馬與林鴉

關山月

關山月關山月東邊來西邊沒夜夜照關山
多戰骨男兒莫去學弓刀女兒莫嫁關山
母啼送爺去當軍今年妻啼送夫去當

老妻年少養子嫁夫不得力關山月關山月
見月圓月月見月缺萬里征夫淚流血將軍
大羽箭沙場格鬪無休歇誰最苦兮誰
出戍當門戶只今頭白未還鄉母死妻亡業無主
關山月關山月生離別死離別爺娘妻子顧不得
努力戎行當報國

出居庸關

此後十三首當在至元十九年平帝遷工部後之作
天山觀雪詩云北征二十年則當在至元廿九年也歲少帝

平生愛讀書反被讀書誤今辰出長城未知死何
處下馬古戰場荆榛莽回互羣狐正從橫野梟號
古樹黑雲滿天飛白日翳復吐移時風揚沙人馬

徒吐番

俱失路躊躇默吞聲聊歌遠游賦

長城外

飲馬長城窟馬繁水枯竭水竭將奈何馬嘶不肯
歇君看長城中盡是骷髏骨骷髏幾千年猶且未
滅沒空銜千年冤此冤何時雪祖龍去已遠長城
久迸裂嘆息此骷髏夜夜泣秋月

寰州道中

窮荒六月天地有一尺雪孤兒可憐人哀哀淚流
血書生不忍啼尸坐愁欲絕鞞鼓夜達明角笳競
於邑此時入骨寒指墮膚亦裂萬里不同天江南

正炎熱

李陵臺

楊九守灤京雜詠李陵臺去上京百里許

伊昔李少卿築臺望漢月月落淚從橫悽然腸斷
裂當時不愛死心懷歸漢闕豈謂壯士身中道有
摧折我行到寰州悠然見突兀下馬登斯臺臺荒
草如雪妖氛靄冥濛六合何恍惚傷彼古英雄清
淚泣不歇吟君五言詩朔風共嗚咽

蘇武洲瓊房夜坐

明發啟帳房冷氣逆將入飢鷹傷人飛瘦馬對人
立禦寒挾貂裘蒙頭帽氈笠淒然絕火烟陰雲壓

身溼賴有葡萄醅借煖敵風急

居延

憶昔蘇子卿持節入異域淹留十九年風霜毒顏
色嚙氈曾牧羝跣足涉沙磧日夕思漢君恨不生
羽翼一朝天氣清持節入漢國亂子生別讎回視
如塊礫丈夫抱赤心安肯淚沾臆

昭君墓

一昔王昭君遠嫁單于去上馬出宮門琵琶語如
訴昔爲漢宮妃今作胡虜婦別來歲月深竟入泉
下路還知身後名青草覆孤墓

開平雪霽

雪霽山崔嵬平荒絕人跡獵獵大風寒杳杳遠天
碧腐儒策蹇驢覓句繞沙磧一吟三徘徊日卓人
影直孤鴻雲中來對我聲嗹嗹迺知晴天好物類
各有適頃刻片雲生雪花大如席偉哉復偉哉造
物真戲劇

天山觀雪王昭儀相邀割駝肉

北征已十年壹鬱悲局促拄杖看天山雪光皎如
玉滿目鷓鷹飛晴天獵鴻鵠羈人竈無炊竟夕囂
其腹美人塞邊來邀我分豆粥手持并鐵刀欣然

割駝肉勿謂草堂翁一飽死亦足

草地

齷齪復齷齪昔聞今始見一月不梳頭一月不洗
面飢則嚼乾糧渴則啖雪片困來臥氊房重裘頗
相戀故衣連百結蟣蝨似珠串平明獵陰山鷹犬
逐人轉呱呱凍欲僵老娃淚如霰忽有使臣來宣
賜尚方饈

開平

冷霰撒行車呻吟獨搔首須臾大如席風卷半空
走母子鼻酸辛依依自相守書生倒行囊

沽來一

是時王昭儀隨少帝在上都母子鼻
酸辛依自相守豈非謂德祐母子耶

樽酒暫時借溫和耳熱豈長久萬木舞陰風言語
冰在口羶房耿無眠兀兀聽刁斗

按詩淵引

草地寒甚氈帳中讀杜詩

少年讀杜詩頗厭其枯槁斯時熟讀之始知句句
好書生挾蠹魚流行萬里道朱顏日以衰元髮日
已老耿耿不圓卿寧方自爲皂舉目無寸覲憂傷
入懷抱炎天冷如冰積地不生草我馬跑沙石我
飢面蒼昊人馬不相離凍死俱未保何當回白日

陰雲盡一掃

大典詩字均

陰山觀獵和趙待制回文

圍獵看人放海青黑山峽口路交橫飛鴻雨溼雲
天遠去馬風寒雪塞平歸客北邊關柝擊過軍西
畔寨燈明巍巍殿帳羶房煖衣鐵冷淡更鼓鳴

萬安殿夜直

鳳銜紫詔下雲端千載明良際會難金闕早朝天
表近玉堂夜直月光寒宮衣屢賜恩榮重御宴時
開禮數寬卻憶玄都人去後桃花零落倚闌干

送張舍人從軍

大笑出門去誰能筆硯囚十年渾不調萬里欲先
侯衰薊吾將老飛揚子未休他年身退遁肯伴赤

湖山類稿卷之二
松游

文山丞相丙子自京口脫去變姓名作清
江劉洙今日相對得非夢耶

昔年變姓走淮濱虎豹從橫獨愴神青海茫茫迷
故國黃塵黯黯泣孤臣魏睢張祿夢中夢越蠡陶
朱身後身今日相看論往事劉洙元是姓文人

讀文山詩藁

一朝禽瘴海孤影落窮荒恨極心難雪愁濃鬢易
霜燕荆歌易水蘇李泣河梁讀到艱難際梅花鐵
石腸

大典詩字均

送張總管歸廣西

燕玉成行把酒卮酒卮未盡卽言離賓鴻冒雨回
峰日旅燕衝風過海時棹撥蓼灣秋斫膾劍飛梅
嶺夜吟詩明年有約重來否一騎紅塵貢荔枝

過河所歷如賦史傳可喜可喜

湖山類稿卷之二終

湖山類稿卷之三

水雲汪 元量 大有 行吟

須溪劉 辰翁 會孟 批點

易水

蘆葦蕭森古渡頭征鞍卸卻上孤舟烟籠古木猿啼夜月印平沙鴈叫秋砧杵遠聞添客淚鼓鞞纔動起人愁當年擊筑悲歌處一片寒光凝不流

北嶽降香呈嚴學士

萬里溟濛起戰埃翩翩勒馬出金臺同君遠使山頭去如朕親行嶽頂來野廟橫斜挨老樹古碑顛

世祖紀元二十五年正月丁酉遣使
代祀嶽瀆東海后土當以此為一
事
元史每歲正月有此事不知在何年

倒枕荒苔瞻天只有丹心在香篆爐熏達九垓

太華峯

華山山木亂紛紛鐵鎖垂垂裊裊猿石齒齒前光
爍爍壁巖巖後勢奔奔奇奇怪怪雲根聳鬱鬱葱
葱霧氣昏上上上頭仍上上最高高處有乾坤

按詩
湖引

商山廟

蹇柏枯松枕廟門獨瞻遺像酌清尊紫芝奕奕浮
香氣碧草纖纖沒燒痕羽翼已成猶有說腹心相
視更何言高歌一曲歸來隱靜看山禽哺子孫

孟津

寒蘆風颯颯時節近昏黃木脫千山瘦江空一水
長雲高鵬北運天濶鴈南翔讀盡焚舟賦持觴酌
子桑

少室山

巖巖路徑入空濛中有幽人舊日宮野草敗垣供
暮雨斷碑古木管秋風山川融結千年秀天地包
籠一世雄從此不須高索價高名過眼總飄蓬

天壇山

我登天壇山洒然清吟日羣峯如兒孫羅列三十
六支藤陟會巔中有少室屋山人化飛仙庭除生

海山類稿卷三
昔菑古碑野火燒剝落字難讀
籬鹿臥幽岩孤鳥響空谷
解鞍小遲畱偷閑半日足
長嘯歸去來題詩紀幽獨

阿房宮故基

祖龍築長城雄關百二所
阿房高接天六國收歌女
跨海覓仙方蓬萊眇何許
欲爲不死人萬代秦宮主
風吹鮑魚腥茲事竟虛語
乾坤反掌間山河淚如雨
誰憐素車兒奉璽納季父
楚人斬關來一炬成焦土
空餘此餘基千秋泣禾黍

洛陽橋

日西來到洛陽城下馬橋邊
信步行紅紫已無花爛熳
青黃只有草從橫風吹渭水
秋砧急月滿秦川夜
柝清我醉欲眠眠不得
更聽人唱楚歌聲

馬嵬坡

霓裳驚破出宮門
馬上香羅拭淚痕
到此竟爲山下鬼
不堪鞞鼓似招魂

北邙山

茫茫北邙山高墳盡無主
惟有石麒麟相向立秋雨

天津橋

清山類稿卷三
白楊獵獵柳青青怒浪高低不肯平一自堯夫分
手後更無人聽杜鵑聲

華清池

一夜春寒事可知海棠無地避風吹溫泉自向東
流去不管飛紅出禁池

終南山館

夜涼金氣轉淒其正是羈孤不寐時千古傷心南
渡曲一襟清淚北征詩霜凝鞞鼓星橫劍風卷旌
旗月滿卮旅鴈已離榆塞去帛書搖曳過江遲

函谷關

西風吹我度函關古壑泉聲靜自閑老子騎牛沙
上去仙人化鶴苑中還斷崖木脫縣殘日絕域雲
橫失好山舊說度關朱履客一聲雞唱翠微間

潼關

蔽日烏雲撥不開昏昏勒馬度關來綠蕪逕路人
千里黃葉郵亭酒一杯事去空垂悲國淚愁來莫
上望鄉臺桃林塞外秋風起大漠天寒鬼哭哀

秦嶺

峻嶺登臨最上層飛埃漠漠草稜稜百年世路多
翻覆千古河山幾廢興紅樹青烟秦祖隴黃茅白

葦漢家陵因思馬上昌黎伯回首雲橫淚溼膺

藍田

寒更客起卷花氈又勒青驄過玉田一旬歸心千
澗外十分秋思兩峯前藍關月冷猿啼木秦嶺風
高鴈貼天北望茂陵應咫尺髑髏沙白草芊芊

嵩山

二詩好

客行天地中嵩峯何突兀鳥道阻且脩馬煩行復
歇一入玉女窻便覺幽興發好鳥鳴嚶嚶細草亂
如髮石城蔭青松瓊壁白噴雪中有神聖居飛甍
半摧折寶繪翳苔莓古碑字亦滅莫辯千載事焉

能踏仙轍徒有感慨懷脈脈淚不絕

行行太室峯秋聲若鳴鏞流目矚崎嶇蓬萊應咫尺
尺上有神仙區下有穆王宅徘徊復徘徊泣然感
疇昔八駿不重來秋山空月白安得會璆韶共作
瑤池客

七月初七夜渡黃河

長河界破東南天怒濤日夜如奔川此行適逢七
月夕妖氛散作空中烟牛郎織女涉清淺支機石
上今何年揚帆一縱萬里目身世恍若槎中仙仰
看銀河忽倒瀉月明風露何娟娟狂來拔劍斫河

水欲與祖逖爭雄鞭扣舷把酒酹河伯低頭細看
河清漣平生此懷具已久到此欲說空回旋嗟予
不曉神靈意咫尺雷雨心茫然

汴都紀行

尋僧入相國寺領客過太師橋行到汴隄西畔柳
陰陰處魚跳

夷山醉歌

二詩迭宕

楚狂醉歌歌正發更上梁臺望明月朔風獵獵吹
我衣絕代佳人皎如雪搥羯鼓彈箜篌烹羊宰牛
坐糟工一笑再笑揚清謳遙看汴水波聲小錦櫂

忘還事多少昨日金明池上來艮嶽淒涼麋鹿遶
麥青青黍離離萬年枝上鴉亂啼二龍北狩不復
返六龍南渡無還期金銅淚迸露盤溼畫闌桂柱
酸風急鳩居鵲構蒼隼入蛇出燕巢白狐立東南
地陷妖氛黑雙鳳高飛海南陌吳山日落天沈沈
母子同行向天北關河萬里雨露澗小儒何必悲
苦辛歸來耳熱忘頭白買笑揮金莫相失呼奚奴
吹篳篥美人縱復橫今夕復何夕楚狂醉歌歌欲
輟老猿爲我啼竹裂

嗚呼再歌兮花滿臺好月爲我光徘徊人生在世

不滿百紛華過眼皆成灰夷山青青汴水綠西北
高樓咽絲竹美人十指纖如玉爲我行觴歌一曲
含宮嚼徵當窻牖露腳斜飛溼楊柳就中有客話
陳橋如此山河落人手客且住聽我語楚漢中分
兩正土七雄爭戰總塵埃三國鶯花浩無主咸陽
宮殿不復都華清池沼溫泉枯世間興廢奔如電
滄海桑田幾回變人生得意且盡歡何須苦苦爲
高官人生有命且行樂何必區區嘆牢落遮莫金
章與玉珂何如桐江披釣蓑遮莫貂蟬貴此身何
如柴桑漉酒巾君不見海上看羊手持節飢來和

雪和氈嚙又不見飯顆山頭人見嗔愁吟痛飲直
吾師美人美人勸我酒有客有客聽我歌須臾客
醉美人睡我亦不知天與地嗚呼再歌兮無人聽
月自落兮酒未醒

濟瀆

玉簡投潭洞金樽出石隈龍光蟠窟宅蜃氣結樓
臺卷地風雷起掀天雨雹來人間爲濟瀆水底卽
蓬萊

孔子舊宅

奉出天家一瓣香著鞭東魯謁靈光堂堂聖像垂

龍袞濟濟賢生列鴈行屋壁詩書今絕響衣冠人
物只堪傷可憐杏老空壇上惟有寒鴉噪夕陽

泰山

勅使聯鑣上翠岑飛泉躍澗吼雷音凌高一覽知
天遠迂曲千蹊覺洞深龍蟄滄溟蛟舞壑梟橫碧
落鳳歸林山靈護得神祠在苔蝕秦碑古樹陰

降香回燕

一從得玉旨勒馬幽燕起河北與河南一萬五千
里

大元皇后游蓬萊島

午夜紅雲滿太清曉來王母下瑤京日從萬歲山
頭出人在九重天上行

太皇謝太后挽章

至元二十二年

羯鼓喧吳越傷心國破時雨闌花灑淚烟苑柳顰
眉事去千年速愁來一死遲舊臣相弔後寒月墮
燕支

大漠陰風起羈孤血淚縣忽聞天下母已赴月中
仙哀樂浮雲外榮枯逝水前遺書乞骸骨歸葬越
山邊

青陽提刑哀些

提刑辭宋國奉使到燕都入貢能全璧懷歸不獻
圖看羊居北海化鶴返西湖楚客歌哀些臨棺奠
酒壺

女道士王昭儀仙游詞

吳國生如夢幽州死未寒金閨詩卷在玉案道書
閑苦霧蒙丹旄酸風射素棺人間無葬地海上有
仙山

平原郡公趙福王挽章

大王無起日草木盡傷悲生在太平世死當離亂
時南冠流遠路北面幸全屍舊客行霜霰呼天淚

溼麾

文山道人事畢壬午臘月初九日

厓山禽得到燕山此老從容就義難生愧夷齊尚
周粟死同巡遠只唐官雪平絕塞魂何往月滿通
衢骨未寒一劍固知公所欠要畱青史與人看

瀛國公入西域爲僧號木波講師

聖元二一五

木老西天去袈裟說梵文生前從此別去後不相
聞忍聽北方鴈愁看西域雲永懷心未已梁月白
紛紛

全太后爲尼

南國舊王母西方新世尊頭顱歸妙相富貴悟空
門傳法優婆域誦經孤獨園夜闌清磬罷趺坐雪
花繁

幽州會飲

客路相逢在異鄉佐尊先得杜韋娘舞迴錦臂花
爭艷醉吸金波月鬪光他日未忘今日樂老年須
記少年狂五陵游俠休相笑歸去奚奴有錦囊

余將南歸燕趙諸公子攜妓把酒餞別醉

中作把酒聽歌行 二詩有氣魄

君把酒聽我歌君不見陌上桑鶉奔奔兮鵲疆疆

高堂今夕燈燭光燕姝趙女吹笙簧君把酒聽我
歌美人美人美如此傾城傾國良有以周惑褒姒
烽火起紂惑妲己賢人死君把酒聽我歌漢家之
亂呂太后唐家之亂武則天魏公銅臺化焦土隋
煬月殿成飛烟君把酒聽我歌美人美人色可食
美人美人笑可愛美人命薄爭奈何美人色衰相
棄背美人一笑難再得美人絕色今何在君不見
馬嵬坡下楊太直天生尤物不足珍得及唐虞九
婦人千古萬古名不湮

我把酒聽君歌美人娟娟花灼灼月照金樽光綽

約有酒有歌君亦愁把酒聽歌君亦樂我有鸚鵡
杯君有鸛鷺杓一杯一杯復一杯酒盡還沽共君
酌我把酒聽君歌天不荒地不老人生百年休草
草對花對酒且高歌蓋世功名亦枯槁滿堂金玉
守者誰萬事何如酒杯好君不見巢父許由空洗
耳伯夷叔齊空餓死范蠡扁舟挾西子五湖風浪
兼天起又不見相如懷璧空歸來廉頗善飯何壯
哉謝安攜妓入東山蒼生望望霖雨乾把酒勸君
飲請君爲我歌燕昭築臺金滿地郭隗登臺多意
氣劉琨夢裏起聽雞班超萬里封侯歸君不見浣

花溪頭老翁哭白首爲儒守茅屋

出自薊門行

出自薊門行行行望天北何處愁殺人黑風走沙
石華裾者誰子意氣萬人敵金鞍鞞白馬奮飛虎
生翼書生爾何爲不草相如檄徒有經濟心壯年
已斑白

涿州

瀘溝橋下水泠泠落木無邊秋正清牛馬亂鋪黃
帝野鷹鷂高磨涿州城柳亭日射旌旗影花館風
傳鼓吹聲歸客偶然舒望眼酒邊觸景又詩成

真定官舍

使君數問夜如何燈燭高張照綺羅
白酒千杯澆客醉紅粧一面惱
人多風烟漠漠庭前樹霜月娟娟
沼內荷驛吏出門相語及城南
便是滹沱河

雲臺

荒亭駐馬酌金罍風卷黃埃丑
上來滿地山河無漢業趙州
畱得古雲臺

比干墓

衛州三十里荒墩草無數忽聽
路人言此葬比干處下馬拊石
碑三歎不能去斐然成歌章聊
書墓

頭樹我弔比干心不弔比干墓
世間賢與愚同盡成黃土斯人
亦人爾干千萬萬古

封丘

今夜宿封丘明朝過汴州雲橫
遮遠塞水落見長洲樹折棗初
剝藤枯瓜未收傾囊沽一斗聊
以慰羈愁

花石綱

假山雖假總非真未必中間可
隱身若使此山身可隱上皇不
作遠行人

西游諸詩如窮陰積雪萬馬打圍又如灞陵
風雪中驢子上覓句果然果然

湖山類稿卷之三終

湖山類稿卷之四

水雲汪 元量 大有 行吟

須溪劉 辰翁 會孟 批點

揚州

重到揚州十載餘
畫橋雨過月模糊
后皇廟裏花何在
煬帝隄邊柳亦枯
陂麥青青嘶亂馬
城蕪冉冉落羣鳥
人生聚散愁無盡
且小停鞭向酒壚

金陵

只見空城不見臺
客行搔首重徘徊
風雲舊日龍南渡
宇宙新秋鴈北來
三國衣冠同草莽
六朝宮

殿總塵埃交游相見休相問把手江頭且一杯

鳳凰臺

草沒高臺鳳不游大江日夜自東流齊梁地廢鴉
千樹王謝家空蟻一丘騎馬僧爭淮口渡捕魚人
據石頭洲玉簫聲斷悲風起不見長安李白愁

石頭城

石頭城上小徘徊世換僧殘寺已灰地接汴淮山
北去江吞吳越水東來健魚奮鬣隨蛟舞快鶻翻
身獵鴈回一片降旗千古淚前人畱與後人哀

采石

夜泊青山下江空不受塵只看波底月便是謫仙
人

凌歊臺

百尺凌歊事已非古碑巖畔上苔衣禁園風暖草
爭發廢殿雨寒花亂飛海北天高鵬得運江南春
盡鴈知歸三千歌舞今何處惟有姑溪遶翠微

烏江

平生英烈世無雙漢騎飛來肯受降早與虞姬帳
下死不教戰血到烏江

魯港

博徒無計解其紛夜半鳴鉦潰萬軍魯港朔風掀
惡浪吳山寒日翳愁雲周褒媚已終亡國孟德欺
孤忍負君大木已顛天柱折錢塘江上鴈成羣

星子驛別客

星江彼此繫行舟我向南州君北州彭澤初歸元
亮醉沙場遠使子卿愁人生離合花間蝶世事浮
沉柳外鷗明日沾襟各分手相思何處倚高樓

豫章驛

豫章門外盡青原高閣臨江喜尚存鶯舌瀾翻嘲
鶴靜鷗心恬淡厭蛙喧綠波淼淼投書渚翠竹森

森寫韻軒約客不來人已遠滿天風雨又黃昏

臨川水驛

羊角山高鎖戰塵春風吹草綠孤城鵲巢遜與鳩
夫婦燕幙能容鴈弟兄今古廢興棋一著萍蓬聚
散酒三行悲歌曲盡故人去笛響長江月正明

歲暮過信州靈溪

不彈長鋏嘆無車獨倚枯筇面碧虛兵破鄉村人
住少火燒橋道客行疎雲低天濶鷹呼隼水落溪
喧獺趁魚東鷺西馳歸未得明朝又是歲將除

三衢官舍和王府教

十年牢落走窮荒萬里歸來行路長坐上佳賓能
鼓瑟窻前細雨好燒香武淹某澤常思漢甫寓鄜
州只念唐秉燭相看直夢寐夜闌無語意茫茫

釣臺

灘沙疊疊是潮痕古木蒼然叫斷猿此老不干天
子貴故人方訝布衣尊雨甜春水魚龍動風暖寒
林鳥雀喧我恰扁舟臺下過桐花香處月黃昏

錢塘

躑躅吞聲淚暗傾杖藜徐步浙江行青蕪古路人
烟絕綠樹新墟鬼火明事去玉環沈異域愁來金

盃出佳城十年草木都糜爛畱得南枝照淺清

浙江亭和徐雪江

朱甍突兀倚雲寒潮打孤城寂寞還荒草斷烟新
驛路夕陽古木舊江山英雄聚散闌干外今古典
亡歎乃間一曲尊前空擊劍西風白髮淚斑斑

答林石田見訪有詩相勞

偶攜降幟立詩壇剪燭西牕共笑歡落魄蘇秦今
席煖猖狂阮籍尚氎寒山中客老千莖白海上人
歸一寸丹世事本來愁不得乾坤只好醉時看

孤山和李鶴田

湖山類稿卷四
湖上悲風舞白楊英雄凋盡只堪傷花飛廢苑憐
銅馬草沒荒墳臥石羊人在醉中春已晚客於愁
處日偏長林西樓觀青紅溼又遜僧官燕梵王

湖山堂

高堂寂寞半開門草沒頽牆竹滿園雨過湖天籠
白晝雲歸山市鎖黃昏忘機今古鷗來往說夢興
亡燕語言行盡六橋吟更好萬松嶺上一聲猿

答徐雪江

十載高居白玉堂陳情一表乞還鄉孤雲落日渡
遼水匹馬西風上大行行橐尚畱官裏俸賜衣猶

帶御前香只今對客難爲答千古中原話柄長

歌樓感事

昔年同輦載花仙此日登樓籍妓員恩賜舞衣香
未歇御書歌扇墨猶鮮碧雲翼翼金釵滑紅雪翩
翩玉珮圓卻把向來供奉曲酒邊對客續朱絃

九日次周義山

杜陵清瘦不禁寒白髮蕭蕭強笑歡階下決明難
獨立庭前甘菊好誰看一錢畱得囊羞澁九日沽
來酒帶酸卻憶大明朝謁罷紫萸擎出賜千官

寄李鶴田

文江別後又三年別後三年詩幾篇老去莫思身
外事命窮甘作飲中仙天陰雨溼龍歸
輕鶴在田回首西湖湖上路新蒲細柳爲

讀李鶴田錢塘百詠

南浦亭邊話別時扁舟東下浙江濬徧將越國千
年事吟作錢塘百詠詩無火可能燒莽卓有刀恨
不斬高斯五陵佳氣飛揚盡淚灑西風兩鬢絲

宮人爲尼

白髮今如此無依實可憐聖恩空舊想佛相又新
圓鏡曉容顏別鐘昏夢寐懸百年心上事懷古淚

漣漣

重訪馬碧梧

萬里遠行役十年良可哀前輩古風在故人今雨
來絕口不言事挽鬚惟把杯種得碧梧樹春風花
自開

別章杭山

抱琴曾北鄉彈鋏復南圖李泌游衡嶽知章賜鑑
湖柱頭仙是鶴濠上子非魚此夜同聯鼎他年莫
寄書

曾平山招飲

老貌不隨俗固窮而隱居一塢百竿竹八窻千卷
書酌以旋筍酒薦之新網魚興盡出門去晚涼山
雨餘

東湖送春和陳自堂

十年南北競故舊幾人存兵後誰知我城中獨見
君東湖徐孺宅北海孔融樽宛轉畱春意吟詩到
夜分

南歸對客 此詩學簡齋

北行十三載癡懶身羈孤勒馬向天山咄咄空踟
躕窮陰六月內白雪飛穹廬冷氣刺骨髓寒風割

北行十三載則以至此
年南歸

肌膚飢飡棗與栗渴飲酪與酥棄置勿復言言之
則成迂前年走河北荆榛鬱正墟夜宿古戰場鬼
物聲嗚嗚去年及淮南黃塵翳行裾長流漂白骨
滿目皆畏途今年歸湖山喬木依故居堂前雙老
親粲粲色敷腴壁間豈無琴牀頭亦有書友朋日
過從可嬉仍可娛開軒耿晴色梅花繞庭除呼兒
斫海鯨新筍酒盈壺偶爾得生還相對直夢如萬
事一畫餅百年將髭鬚向來誤儒冠今也無壯圖
且願休王師努力加飯蔬

月夜擬李陵詩傳三首

清時難再得離別安可留出門望西北欲往還凋瘵俯視長河奔方舟激中流驚

波一何駭近顧令人憂天風吹枯桑日暮寒飈何當從此別送子秋白裘
嘉會不可再聚散空行徑臨流歌長嗟送子游遠方悲風來天未圓月滿景
先行人駕言邁令我結中腸豈無一尊酒與子發慷慨
河梁日將暮送子安所從執手古路側征裾飄長風行忽已遠眇若孤
飛鴻人生非松喬代謝自有終長當崇令名赤心以為忠

紫秋堂越上寄詩就韻東吳秋崖

越王臺上我同遊越女樓中君獨留燕子日長宜把酒鯉魚風起莫行舟
江山有待傳人出天地不仁前輩休何處如今覓東許欲將心事與渠謀

上四首從大興卷八百九十八詩字均所收湖山類稿補

憶湖上

我憶西湖斷橋路雨色晴光自朝暮燕去鴻未今歲度梅花萬里水雲隔日夜思家歸不
得偶然醉卧文姬側 大典卷二十二百七十三湖山類稿

賈魏公雪中下湖

凍木踞風雪滿天平章猶放下湖船數椽金帳坐見美不念襄陽三六年 同二十二百七十四同

附 柳橋青湖上和徐雪江

龍平湖双畫棹小船兒嬌珠歌扇翠舞滄津絲 山南山北將絲看十里荷花
未歸後引畫鷁箇人未醉要我吟詩 大典卷二十二百七十三收汪元量詞

湖山類稿卷之四終

湖山類稿卷之五

水雲汪 元量 大有 行吟

須溪劉 辰翁 會孟 批點

滿江紅

吳江秋夜

一箇蘭舟雙桂槳順流東去但滿目銀光萬頃淒
其風露漁火已歸鴻鴈汊櫂歌更在鴛鴦浦漸夜
淡蘆葉冷颼颼臨平路 吹鐵笛鳴金鼓絲玉膾
傾香醕且浩歌痛飲藕花淡處秋水長天迷遠望
曉風殘月空凝竚問人間今夕是何年清如許

金人奉露盤

越州越王臺

越山雲越江水越王臺箇中景儘可徘徊凌高放
目使人胸次共崔嵬黃鸝紫燕報春晚勸我銜杯
古時事今時淚前人喜後人哀正醉裏歌管成
灰新愁舊恨一時分付與潮回鷓鴣啼歇夕陽去
滿地風埃

琴調相思引

越上賞花

曉拂菱花巧畫眉猩羅新剪作春衣恐春歸去無

處看花枝已恨東風成去客更教飛燕舞些時
惜花人醉頭上插花歸

長相思

越上寄雪江

吳山深越山深空谷佳人金玉音有誰知此心
夜沉沉漏沉沉閑卻梅花一曲琴月高松竹林

傳言玉女

錢塘元夕

一片風流今夕與誰同樂月臺花館慨塵埃漠漠
豪華蕩盡只有青山如洛錢塘依舊潮生潮落

萬點鎊光羞照舞鈿歌箔玉梅消瘦恨東皇命薄
昭君淚流手撚琵琶絃索離愁聊寄畫樓哀角

好事近

浙江樓聞笛

獨倚浙江樓滿耳怨笳哀笛猶有梨園聲在念那
人天北海棠顛顛怯春寒風雨怎禁得回首華
清池畔渺露蕪烟荻

洞仙歌

毘陵趙府兵後僧多占作佛屋

西園春暮亂草迷行路風卷殘花墮紅雨念舊巢

燕子飛傍誰家斜陽外長笛一聲今古繁華流
水去舞歇歌沈忍見遺鈿種香土漸橘樹方生桑
枝纔長都付與沙門爲主便關防不放貴游來又
突兀梯空梵王宮宇

鶯啼序

重過金陵

金陵故都最好有朱樓迢遞嗟倦客又此憑高檻
外已少佳致更落盡梨花飛盡楊花春也成憔悴
問青山三國英雄六朝奇偉麥甸葵丘荒臺敗
壘鹿豕銜枯薺正潮打孤城寂寞斜陽影裏聽樓

頭哀笳怨角未把酒愁心先醉漸夜淡月滿秦淮
烟籠寒水 悽悽慘慘冷冷清清燈火渡頭市慨
商女不知興廢隔江猶唱庭花餘音疊疊傷心千
古淚痕如洗烏衣巷口青蕪路認依稀王謝舊鄰
里臨春結綺可憐紅粉成灰蕭索白楊風起 因
思疇昔鐵索千尋謾沈江底揮羽扇障西塵便好
角巾私第清談到底成何事回首新亭風景今如
此楚囚對泣何時已嘆人間今古真兒戲東風歲
歲還來吹入鍾山幾重翠

六州歌頭

江都

綠蕪城上懷古恨依依淮山碎江波逝昔人非今
人悲惆悵隋天子錦帆裏環珠履叢香綺展旌旗
盪漣漪擊鼓撾金擁瓊瑛玉吹恣意游嬉斜日暉
暉亂鶯啼 銷魂此際君臣醉貔貅弊事如飛山
河墜烟塵起風淒淒雨霏霏草木皆垂淚家國棄
竟忘歸笙歌地歡娛地盡荒畦惟有當時皓月依
然挂楊柳青枝聽隄邊漁叟一笛醉中吹興廢誰
知

水龍吟

淮河舟中夜聞宮人琴聲

鼓鞞驚破霓裳海棠亭北多風雨歌闌酒罷玉啼
金泣此行良苦駝背模糊馬頭匝朝朝暮暮自
都門燕別龍艘錦纜空載得春歸去目斷東南
半壁悵長淮已非吾土受降城下草如霜白淒涼
酸楚粉陣紅圍夜淡人靜誰賓誰主對漁燈一點
羈愁一搦譜琴中語

望江南

幽州九日

官舍悄坐到月西斜永夜角聲悲自語客心愁破

正思家南北各天涯腸斷裂搔首一長嗟綺席

象牀寒玉枕美人何處醉黃花和淚撚琵琶

卜算子

河南送妓移居河西

我向河南來伊向河西去客裏相逢只片時無計
畱伊住去住總由伊莫把眉頭聚安得并州快
剪刀割斷相思路

滿江紅

和王昭儀韻

天上人家醉王母蟠桃春色被午夜漏聲催箭曉

光侵闕花覆千官鸞閣外香浮九鼎龍樓側恨黑
風吹雨溼霓裳歌聲歇 人去後書應絕腸斷處
心難說更那堪杜宇滿山啼血事去空流東汴水
愁來不見西湖月有誰知海上泣嬋娟菱花缺

王昭儀詞云太液芙蓉渾不似舊時顏色曾記
得春風雨露玉樓金闕名播蘭簪妃后裏暈生
蓮臉君王側忽一聲鞞鼓揭天來繁華歇龍虎
散風雲絕無限事憑誰說對山河百二淚沾襟
血驛館夜驚鄉國夢宮車曉碾關
山月願嫦娥垂顧肯相容從圓缺

滿江紅

吳山

一霎浮雲都掩盡日無光色遙望處浮屠對峙梵

王新闕燕子自飛關北外楊花閒度樓西側慨金
鞍玉勒早朝人經年歇 昭君去空愁絕文姬去
難言說想琵琶哀怨淚流成血蝴蝶夢中千種恨
杜鵑聲裏三更月最無情鴻鴈自南飛音書缺

一剪梅

懷舊

十年愁眼淚巴巴今日思家明日思家一團燕月
照窻紗樓上胡笳塞上胡笳 玉人勸我酌流霞
急撚琵琶緩撚琵琶一從別後各天涯欲寄梅花
莫寄梅花

惜分飛

歌樓別客

燕子畱君君欲去征馬頻嘶不住握手空相覩淚
珠成縷睂峯聚恨入金徽孤鳳語愁得文君更
苦今夜西窻雨斷腸能賦江南句

唐多令

吳江中秋

莎草被長洲吳江拍岸流憶故家西北高樓十載
客窻憔悴損搔短鬢獨悲秋人在塞邊頭斷鴻
書寄不記當年一片閒愁舞罷羽衣塵滿面誰伴

我廣寒游

鷓鴣天

漱艷湖光綠正肥蘇隄十里柳絲垂輕便燕子低
低舞小巧鶯兒恰恰啼花似錦酒成池對花對
酒兩相宜水邊莫話長安事且請卿卿喫蛤蜊

眼兒嬌

記得年時賞茶蘼蝴蝶滿園飛一雙寶馬兩行簫
管月下扶歸而今寂寞人何處脈脈淚沾衣空
房獨守風穿簾子雨隔牕兒

憶王孫

集句數首甚婉婉情至可觀

漢家宮闕動高秋人自傷心水自流今日晴明獨
上樓恨悠悠白盡梨園子弟頭

憶王孫

吳王此地有樓臺風雨誰知長綠苔半醉閒吟獨
自來小徘徊惟見江流去不回

憶王孫

長安不見使人愁物換星移幾度秋一自佳人墜
玉樓莫淹畱遠別秦城萬里游

憶王孫

陣前金甲受降時園客爭偷御果枝白髮宮娃不

解悲理征衣一片春帆帶雨飛

憶王孫

鷓鴣飛上越王臺燒接黃雲慘不開有客新從趙
地回轉堪哀巖畔古碑空綠苔

憶王孫

離宮別苑草萋萋對此如何不淚垂滿檻山川漾
落暉昔人非惟有年年秋鴈飛

憶王孫

上陽宮裏斷腸時春半如秋意轉迷獨坐紗窻刺
綉遲淚沾衣不見人歸見燕歸

憶王孫

華清宮樹不勝秋雲物淒涼拂曙流七夕何人望
斗牛一登樓水遠山長步步愁

憶王孫

五陵無樹起秋風千里黃雲與斷蓬人物蕭條市
井空思無窮惟有青山似洛中

吳人汪水雲羽扇綸巾訪予於幽燕之國袖出
行吟一卷讀之如風檣陣馬快逸奔放詢其故
得於子長之游嗟夫異哉乃爲之歌曰南風之
薰兮琴無絃北風其涼兮詩無傳雲之漢兮水

之淵佳哉斯人兮水雲之仙一百五日廬陵文
山文天祥履善甫

余在武林別元量已十年矣一日來樂平尋見
余且臥病強欲一起迎肅不可得也家人引元
量至榻前相與坐語恍如隔世戚然有所感焉
元量出示湖山橐求余爲序展卷讀甲子初作
微有汗出讀至丙子作潛然淚下又讀至醉歌
十首撫席慟哭不知所云家人引元量出余病
復作不能爲元量吐一語因題其集曰詩史三
月十一日碧梧馬廷鸞翔仲

湖山類稿卷五
余讀水雲詩至丙子以後爲之骨立再嫁婦人
望故夫之壠神銷意在而不敢出聲哭也水雲
生長錢塘晚節聞見其事奮筆直情不肯爲婉
變含蓄千載之下人間得不傳之史山陽夜笛
聞之者四壁皆爲悲咽正平操搗聽之者三臺
俱無聲韻噫水雲之詩眞能使人至如是至如
是其感哉渡黃河歷太華望燕雲之日慨易水
之風則水雲續集余尙能無感能無喜古盱義
山周方方叔
讀汪水雲詩而不墮淚者殆不名人矣水雲杭

人善琴嘗以琴事謝后及王昭儀暨國亡親見
蒼黃歸附又展轉北行道途所歷痛心駭目不
可具道畱燕日久尙能和王昭儀歌詩訪文丞
相於囚中三宮幸得不死沒者爲青塚存者爲
浮屠皆史記所未有蓋昔人紇千山頭之歌水
西流朕東上之嘆世世勿生天王家之恨一披
史冊尙能感涕君皆耳聞目見又能寫爲詩幽
憂沉痛殆不可讀今君已入名山作黃冠師飄
然興亡得喪之外獨畱此斷腸泣血遺千古羞
與千古恨昔雍門周以琴見孟嘗君不能令孟

嘗君悲也及爲言千秋萬歲後宗廟必不血食
高臺壞曲池漸墳墓下嬰兒豎子採樵者躑躅
而歌其上然後孟嘗君泣焉承臉周引琴而鼓
之孟嘗君泣涕增哀若破國亡邑之人况余亡
國賤俘未聽君之琴而先讀君之詩其泣焉承
臉已不可禁矣君謂余吾取琴爲先生鼓之何
如余拭淚而謝之曰止止廬陵青山趙文儀可
往時讀泣血錄爲之淚下因歎德祐之事意必
有杭之文章鉅公書於野史後人見而悲之未
必不若予今日之讀泣血錄也一日吳友汪水

雲出示類彙紀其亡國之戚去國之苦艱關愁
歎之狀備見於詩微而顯隱而彰哀而不怨歛
獻而悲甚於痛哭豈泣血錄所可並也唐之事
紀於草堂後人以詩史目之水雲之詩亦宋亡
之詩史也其詩亦鼓吹草堂者也其愁思壹鬱
不可復伸則又有甚於草堂者也噫水雲畱詩
與後人哀耶畱詩與後人愁耶可感也重可感
也敬賦二十字書綴卷尾云天地事如許英雄
鬢已斑淚添東海水愁壓北邙山吉人鶴田李
珏元輝

按晉江黃氏書目汪水雲湖山類稿凡十三卷又水雲
詞三卷訪之藏書家均未之見也此五卷為劉涇溪選
定前脫四翻歲久紙敝墨渝字句復多缺蝕今刻本已
不復存輾轉傳鈔並其批點失之間存評隲教語
而已予從宋遺民錄補入涇溪元序及同時諸賢
題識五首因合水雲詩集刻之所惜與文山先生獄
中倡和之作及迺易之所云章丞相鑑鄧禮部
光薦謝國史枋得三序無從錄補耳
乾隆乙酉五月既望得間居士鮑廷博識于知不
足齋

亡宋舊宮人詩

水雲畱金臺一紀琴書相與無虛日秋風天
際東書告行此懷愴然定知夜夢先過黃河
也一時同人以勸君更盡一杯酒西出陽關
無故人分韻賦詩為贈他時海上相逢當各
說神仙人語又豈以世間聲律為拘拘耶

王清惠

朔風獵獵割人面萬里歸人淚如霰江南江北路
茫茫粟酒千鍾為君勸

陳真淑

天山雪子落紛紛醉擁貂裘坐夜分明日馬頭南
地去琴邊應是有文君

黃慧真

萬疊燕山冰雪勁萬里長城風雨橫君衣雲錦勒
花驄此酒一杯何日更

何鳳儀

十年燕客身如病一曲剡溪心不競憑君寄語愛
梅仙天理現時人事盡

周靜真

燕山雪花大如席馬上吟詩無紙筆他時若遇隴

頭人折寄梅枝須一一

葉靜慧

塞上砧聲響似雷憐君騎馬望南回今宵且向穹
廬醉後夜相思無此杯

孔清真

瘦馬長吟蹇驢吼坐聽三軍擊刁斗歸人鞍馬不
須忙爲我更釀葡萄酒

鄭惠真

琵琶撥盡昭君泣蘆葉吹殘蔡琰啼歸見林逋煩
說似唐僧三藏入天西

按瀛國送元量詩有寄語林和靖
云故有三四句唐僧三藏入天西
謂瀛國入西域爲木波講師也

方妙靜

萬里秦城風淅淅一望薊州雲冪冪君今得旨歸
故鄉反鎖衡門勿輕出

翁懿淑

金門夜醉紫霞觴乞得黃冠還故鄉一似陳搏歸
華嶽又如李泌過衡陽

章妙懿

一從騎馬逐鈴鑾過了千山又萬山君已歸裝向
南去不堪腸斷唱陽關

蔣懿順

十年牢落醉穹廬不用歸榮駟馬車他日儻思人
在北音書還寄鴈來無

林順德

歸舟夜泊西興渡坐看潮來又潮去江草江花春
復春山青水綠原如故

袁正淑

抱琴歸去海東濱莫逐成連覓子春十里西湖明
月在孤山尋訪種梅人

昭儀王清惠字冲華

李陵臺上望蒼子五言詩客路八千里鄉心十二

時孟勞欣已稅區脫未相離忽報江南使新來貢荔枝

右李陵臺和水雲韻

妾命薄如葉流離萬里行黃塵燕塞外愁坐聽衣聲

右搗衣詩呈水雲

萬里倦行役秋來瘦幾分因看河北月忽憶海東雲

右秋夜寄水月水雲昆玉

亡宋舊宮人詞

水雲歸吳寄聲長相思

章麗真

吳山秋越山秋吳越兩山相對愁長江不盡流風颼颼雨颼颼萬里歸人空白頭南冠泣楚囚

袁正真

南高峯北高峯南北高峯雲淡濃湖山圖畫中采芙蓉賞芙蓉小小紅船西復東相思無路通水雲還家小詞爲贐聲寄望江南

金德淑

春睡起積雪滿燕山萬里長城橫縞帶六街燈火已闌珊人在玉樓間

附錄

李嘉謨以鄉役部發歲運至元都嘗夜對月獨歌曰萬里倦行役秋來瘦幾分因看河北月忽憶海東雲夜靜聞隣嬾有倚樓泣者明日訪其家則宋舊宮人金德淑也因過叩之曰客非昨暮悲歌人乎李答曰昨所歌詩實非已作有同舟人自杭來每吟此句故能記之爾德淑泣曰此亡宋昭儀黃惠清寄汪水雲詩我亦宋宮人也昭儀舊同供奉極相親愛今各流落異鄉彼且為泉下人矣夜聞君歌其詩不勝悽感因言當日吾輩皆有詩贈水雲因自舉其所作望江南詞歌畢又泣下

右楊夢羽儀金姬別傳一則其所傳詩詞與此集所載無少異惟以王清惠為黃惠清或傳寫之訛耳又按西湖志餘云水雲南還日有故宮人張瓊英贈詩云客有黃金白壁懷

如何不肯贖奴回今朝且盡穹廬酒後夜相思無此杯今卷中作葉靜慧詩首二語亦不同并誌以俟考

乾隆乙酉中春日歙鮑廷博識於知不足齋

宋陳世崇隨隱漫錄卷二會寧郡夫人昭儀王秋兒順安俞修容新興胡美人永陽朱梅兒資陽朱春兒高安朱夏兒南平朱瑞兒東陽周冬兒順政石潤兒高平周賽兒通化關潤兒潯陽陳宜兒湖安沈成寧黃新平皆工所事也初東宮以春夏秋冬四夫人直書閣為最親王能屬文為尤親駮鶴骨醜貌但自工接位後萬歲之暇批答畫閣之文欽承皆出其手然則王非泛以色事主度皇亦悅德者也秋兒即昭儀小君又用密語戲齊雅談卷中載張樞斗南宮詞云紫閣深嚴寢殿西書林飛白揭宸奎黃封嫩建昇平奏真筆夫人看內批蓋不為昭儀而作昭儀事不多見鋪印于此宣統庚戌二月國傑識宋史江萬里傳帝在講筵每問經史疑義及古人性名賈似道不能對萬里從旁代對時王夫人頗知書帝每語夫人以為笑昭儀事見宋史者僅此一事

汪水雲以宋室小臣國亡北徙侍三宮於燕郊後多主于龍荒其時大臣如留夢炎輩當為媿死後人多以完人目之然中間亦為元官且供奉翰林其詩具在不必詳也湖山類稿三有萬安殿夜直詩云金闕早朝天子聖玉堂月光夜直寒水雲集中有送傅初庵學士歸田里詩云燕臺同看雪花天別後音書雁不傳紫閣笑談為職長彤闈朝謁在班前云玉堂夜直又稱獻學士為職長則水雲亦曾官翰林又南歸後卷徐雪江云十載高居白玉堂陳情一表乞還鄉孤雲落日渡遠水正馬西風上太行行橐尚留官裏俸賜衣猶帶御前香只今對客難為說千古中原話柄長云高居白玉堂亦謂翰苑也又類稿北岳降香以下二十五首皆水雲奉勅降香途中所作案元史世祖紀每歲以正月遣使代祀岳瀆台土而至元二十一年所紀尤詳云遣蒙古官及翰林官各一人代祠岳瀆后土則代祀例遣翰林官殿為學士即翰林官水雲或以屬官之行然其詩云同君遠使山頭去如朕親行岳頂來頗不似屬官之辭殆是年不遣二人皆出翰苑然則水雲在元頗為貴顯故得案留官俸衣帶御香即黃冠之請亦非竊旅小臣所能後世乃以宋遺民稱之與謝臯羽蔡聖子同列殊失事實然水雲本以琴師出入宮禁乃倡優卜祝之流與委質為臣者有別其任元亦別有用意少帝西行之後水雲亦即南歸與方謝蔡諸賢跡異而心則同有宋近臣一人而已戊午八月國維錄舊作跋

壬子歲曾從永樂大典補詩五首詞一首當時所見大典僅十六冊今已星散矣若欲再得數首亦不易也



呈獻學士

